

KAFILLIK OFERTASI

Mazkur Oferta AT “Aloqabank” (bundan buyon matnda “Bank” deb yuritiladi) tomonidan jismoniy shaxslar bilan Kafillik shartnomasini (bundan buyon matnda “Shartnoma” deb yuritiladi) tuzish bo'yicha rasmiy taklifi hisoblanadi.

Kafillik beruvchi jismoniy shaxs (bundan buyon matnda “Kafil” deb yuritiladi) hamda kreditdan foydalanish istagida bo'lgan jismoniy shaxs (bundan buyon matnda “Qarz oluvchi” deb yuritiladi) Oferta shartlari bilan tanishib to'liq va e'tirozsiz aksept qilganidan so'ng Shartnoma tuzilgan deb hisoblanadi.

Bank tomonidan Qarz oluvchi hamda Kafilga yuborilgan SMS-xabarda ko'rsatilgan kodni ofertani tasdiqlash uchun kiritishi orqali yoki Bank tomonidan taklif qilingan boshqa usul orqali tasdiqlashi mazkur ofertani qabul qilish va akseptlash deb baholanadi.

I. ATAMALAR

1.1. Mazkur ofertada quyidagi tushunchalardan foydalaniladi:

Kredit – maqsadlilik, qaytarishlik, to'lovlilik, muddatlilik va ta'minlanganlik tamoyillari asosida, milliy valyutada, mazkur ofertada nazarda tutilgan hamda Kreditning individual shartlarida belgilangan shartlar asosida Bank tomonidan Qarz oluvchiga taqdim etiladigan ma'lum miqdordagi pul mablag'lari;

Qarz oluvchi – Kreditdan foydalanish istagida bo'lgan, Kredit rasmiylashtirish uchun Bankka ariza taqdim etgan va Kredit ofertasida belgilangan shartlar asosida Kredit rasmiylashtiruvchi jismoniy shaxs;

Kafil – Qarz oluvchining Kredit bo'yicha barcha majburiyatlarini (hozirda mavjud bo'lgan va vujudga kelishi mumkin bo'lgan) bajarishi uchun Qarz oluvchi bilan solidar tartibda Bank oldida javob berishni o'z zimmasiga oluvchi jismoniy shaxs;

Kredit ofertasi (shartnomasi) – Bank tomonidan tasdiqlangan va keng ommaga e'lon qilingan, unda ko'rsatilgan shartlar asosida Kredit ajratish bo'yicha taklif;

Kafillik ofertasi – Bank tomonidan tasdiqlangan va keng ommaga e'lon qilingan, unda ko'rsatilgan shartlar asosida kafillik shartnomasi tuzish bo'yicha taklif;

Aksept – Kafilning roziligini bildirishga, kafillik berish uchun Bank tomonidan taklif qilingan shartlarni qabul qilishga yo'naltirilgan harakatlari.

II. SHARTNOMA PREDMETI

2.1. Kafil Qarz oluvchi o'z majburiyatlarini to'la bajarishi uchun Bank oldida ushbu shartnomada nazarda tutilgan holatlarda va shartlarda javob beradi.

III. UMUMIY QOIDALAR

3.1. Kafil Bank va Qarz oluvchi o'rtasida tuzilgan _____._____ yildagi _____ -
(*Kredit shartnomasi sanasi raqami*)

sonli Kredit shartnomasi bo'yicha mazkur Shartnoma asosida Qarz oluvchining barcha majburiyatlari (hozirda mavjud bo'lgan va kelajakda vujudga kelishi mumkin bo'lgan) bajarilishi yuzasidan Bank oldida solidar tartibda javob berish majburiyatini o'z zimmasiga oladi.

3.2. Kafillik bilan ta'minlangan majburiyatlarga Qarz oluvchining Bank oldidagi Kredit shartnomasi bo'yicha hozirda mavjud bo'lgan va kelajakda vujudga kelishi mumkin

bo'lgan jami qarzlar, shu jumladan Kreditning asosiy summasi, Kreditga hisoblangan foizlar, neustoykalar, haqiqiy zarar, boy berilgan foyda, sud harajatlari, ijro yig'imi, qarzдорlikni undirish uchun uchinchi shaxslarga to'langan pullar va boshqa summalar kiradi.

3.3. Kafillik bilan ta'minlangan majburiyatlarni Qarz oluvchi bajarmaganda yoki lozim darajada bajarmaganda, Bankning birinchi talabiga asosan, Kafil barcha qarzlarini Kredit shartnomasida Qarz oluvchining majburiyatlari bilan belgilangan muddat va miqdorda to'laydi.

3.4. Bank Kafilning AT "Aloqabank"da, hamda boshqa banklarda ochilgan har qanday hisobvaraqlaridan, shu jumladan bank kartalaridan Kredit bo'yicha talablarni qondirish uchun zarur bo'lgan mablag'larni (so'zsiz, roziligisiz) akseptsiz tartibda hisobdan chiqarish (yechib olish) huquqiga ega va Kafil bunga o'z roziligini bildiradi.

3.5. Kredit shartnomasi bo'yicha Qarz oluvchining majburiyatlarini bajargan Kafilga Bankning ushbu majburiyat bo'yicha huquqlari hamda garovga oluvchi sifatida Bankga tegishli bo'lgan huquqlari Kafil Bankning talabini qancha hajmda qanoatlantirgan bo'lsa, shuncha hajmda o'tadi.

3.6. Kredit summasi: _____ (_____) so'm.
(miqdori) (miqdor so'z bilan)

3.7. Kafillik summasi: _____ (_____) so'm.
(miqdori) (miqdor so'z bilan)

3.8. Kredit muddati: _____ (_____), _____, _____ gacha.
(muddat) (muddat so'z bilan) (sana)

3.9. Kredit bo'yicha foiz stavkasi – yillik _____ (_____) foiz.
(miqdori) (miqdor so'z bilan)

3.10. Kreditning muddati o'tgan asosiy qismi uchun oshirilgan foiz stavka: Shartnomaning 3.9-bandidagi foiz stavkaning _____ barobarini, ya'ni _____ (_____) foizni tashkil etadi.
(miqdori) (miqdori) (miqdor so'z bilan)

3.11. Kredit bo'yicha foizlar Kredit ajratilgan kundan boshlab Kreditning asosiy qarzni to'liq qaytarilgan kunigacha Kreditning qoldiq summasiga nisbatan kunlik hisoblab boriladi. Foizlar yiliga 365 kunlik asosda hisoblanadi.

3.12. Shartnoma bo'yicha Kafil quyidagilarga roziligini bildiradi:

- shaxsga doir ma'lumotlari olinishiga hamda ma'lumotlariga ishlov berishga;
- aloqa vositalaridan foydalangan holda sms/elektron pochta/audio eshittirish/pochta jo'natish, axborot-kommunikatsiya xizmatlari orqali pochta jo'natmalarini va bildirishnomalarni jo'natishga;

- Davlat personallashtirish markazidan olingan shaxsiy ma'lumotlarini qayta ishlashga hamda kredit byurolari, soliq organlari uy-joy kommunal xizmatlari, uyali aloqa operatorlari, protsessing markazlari (Uzcard, Humo va boshqalar) tijorat banklari va boshqa tashqi manbalardan shaxsiy ma'lumotlardan foydalangan holda ma'lumotlarni olishga;

- Bank Kafilning AT "Aloqabank"da, hamda boshqa banklarda ochilgan har qanday hisobraqamlaridan, shu jumladan bank kartalaridan kredit bo'yicha talablarni qondirish uchun zarur bo'lgan mablag'larni avtomatik hisobdan chiqarish xizmati orqali yechib

olinganda Bankning amaldagi Tarifida nazarda tutilgan miqdorda xizmat haqini (so'zsiz, roziligsiz) akseptsiz tartibda hisobdan chiqarish (yechib olish)ga.

IV. TARAFLARNING HUQUQ VA MAJBURIYATLARI

4.1. Bankning huquqlari:

4.1.1. Kafil tomonidan Kredit bo'yicha o'z majburiyatlarini bajarilishi to'g'risida ma'lumotlarni Kredit byurolari va Kredit ma'lumotlarining davlat reestriga taqdim etish;

4.1.2. Kredit bo'yicha to'lovlar haqida Kafilga xabar berish uchun Shartnomada ko'rsatilgan aloqa kanallaridan foydalanish;

4.1.3. Kredit shartnomasi bo'yicha majburiyatlarni Qarz oluvchi bajarmagan taqdirda, Kafilning Bankda hamda boshqa banklarda ochilgan har qanday hisobvaraqlaridan, shu jumladan, bank kartalaridan Kredit bo'yicha talablarni qondirish uchun zarur bo'lgan mablag'larni va barcha hisoblangan neustoykalarni akseptsiz tartibda hisobdan chiqarish (yechib olish);

4.1.4. Bank Kafilning AT "Aloqabank"da, hamda boshqa banklarda ochilgan har qanday hisobraqamlaridan, shu jumladan bank kartalaridan kredit bo'yicha talablarni qondirish uchun zarur bo'lgan mablag'larni avtomatik hisobdan chiqarish xizmati orqali yechib olinganda Bankning amaldagi Tarifida nazarda tutilgan miqdorda xizmat haqini (so'zsiz, roziligsiz) akseptsiz tartibda hisobdan chiqarish (yechib olish);

4.1.5. Qarz oluvchi Kredit shartnomasi bo'yicha majburiyatlarni bajarmagan yoki lozim darajada bajarmagan taqdirda, Kafilning barcha hisobvaraqlaridagi mablag'lari hisobidan hamda barcha mol-mulkleri (mulkiy huquqlari)dan undirish;

4.1.6. Kafil tomonidan taqdim etilgan ma'lumotlarni tekshirish yoki qo'shimcha identifikatsiya (shaxsni tekshirish) jarayonini amalga oshirish uchun Shartnomada ko'rsatilgan aloqa kanallari orqali Kafil bilan bog'lanish;

4.1.7. Kafilning to'lov qobiliyatini baholash jarayonida O'zbekiston Respublikasi qonunchiligiga zid bo'lmagan Kafil to'g'risidagi har qanday ma'lumotlarni olish va ulardan foydalanish;

4.1.8. Kafil bilan telefon raqamlari, ijtimoiy tarmoqlardagi akkauntlari orqali bog'lanish va ularni yozib olish, Kafilning Bankka ma'lum bo'lgan manzillariga (rekvizitlariga) ushbu Shartnoma bo'yicha Qarz oluvchining hamda Kafilning majburiyatlarini bajarish to'g'risida xatlar, elektron pochta xabarleri va SMS-xabarleri yuborish.

4.2. Bankning majburiyatlari:

4.2.1. Kredit muddatidan oldin undiriladigan hollarda ushbu to'g'risida Kafilni Shartnomada ko'rsatilgan aloqa kanallaridan foydalangan holda xabardor qilish;

4.2.2. Bank tomonidan Kredit bo'yicha muddati o'tgan qarzdorliklarni so'ndirish uchun Kafilning bank hisobvarag'i va (yoki) omonatidan (shu jumladan, bank kartalaridan) mablag'lar Kafilning topshirig'isiz hisobdan chiqarilganda, ushbu mablag' hisobdan chiqarilgan sanadan boshlab keyingi ish kunidan kechiktirmagan holda Kafilga uning hisobvarag'idan qancha miqdordagi mablag' qanday sabablarga asosan va kimning foydasiga chiqarilganligini ko'rsatgan holda Shartnomada ko'rsatilgan aloqa kanallari orqali xabarnoma (ma'lumotnoma) yuborish.

4.3. Kafilning huquqlari:

4.3.1. Kreditni istalgan vaqtda muddatidan oldin jarima sanksiyalarisiz so'ndirish;

4.3.2. Kredit bo'yicha barcha to'lovlar Bankka to'liq qaytarilganda ushbu Shartnomani muddatidan avval bekor qilish.

4.4. Kafilning majburiyatlari:

4.4.1. Qarz oluvchi o'z majburiyatni bajarmagan yoki lozim darajada bajarmagan taqdirda Bank oldida solidartartibda javob berish;

4.4.2. Qarz oluvchi tomonidan olingan Kredit va unga hisoblangan joriy hamda muddati o'tgan foizlar o'z vaqtida to'lanmagan taqdirda ularni to'lash, qarzni undirib olish bo'yicha sud chiqimlarini va Qarz oluvchi majburiyatini bajarmaganligi yoki lozim darajada bajarmaganligi tufayli Bank ko'rgan boshqa zararlarni to'lash;

4.4.3. Shartnoma bo'yicha Bank Kafilning hisobvarag'idan pul mablag'ini yechib olganligi uchun Bankning amaldagi tariffiga asosan bank xizmat haqini to'lash;

4.4.4. Familiyasi yoki ismi, telefon raqami, ro'yxatdan o'tgan manzili, yashash joyi, passport ma'lumotlari o'zgarganda va Shartnoma bo'yicha majburiyatlarning bajarilishiga ta'sir qiladigan boshqa holatlar haqida 3 (uch) ish kuni ichida Shartnomada belgilangan aloqa kanallari orqali yoki Bankning xizmatlar ko'rsatish markazlariga borgan holda Bankka xabar berish;

4.4.5. O'ziga nisbatan huquqni muhofaza qilish organlari, nazorat qiluvchi organlar yoxud sudlar tomonidan qo'llanilgan yoki qo'llanilayotgan huquqiy ta'sir choralari, iqtisodiy, moliyaviy jarimalar va iqtisodiy, moliyaviy sanksiyalar to'g'risida unga ma'lum bo'lgan kundan boshlab Bankka 2 (ikki) ish kuni ichida xabar berish;

4.4.6. Tijorat banklarida ochilgan barcha bank hisobvaraqlaridan Shartnoma bo'yicha to'lov majburiyatlarini amalga oshirish uchun zarur summani akseptsiz hisobdan chiqarish to'g'risida haqiqiy, chaqirib olinmaydigan va so'zsiz talab qo'yish huquqini Bankka taqdim etish.

V. MAJBURIYATLARNI BAJARMASLIK HOLATLARI

5.1. Quyidagi hodisalarning har biri majburiyatlarning bajarilmasligi holati hisoblanadi:

5.1.1. Shartnomada belgilangan muddatlarda Kreditning asosiy qarzi, foizlari va/yoki boshqa to'lovlar amalga oshirilmaganligi;

5.1.2. Kafil tomonidan Ariza taqdim qilish yoki kreditni rasmiylashtirish jarayonida qasddan bila turib haqiqatga to'g'ri kelmaydigan va haqqoniy bo'lmagan ma'lumotlarni bergan holda Bankni chalg'itish;

5.1.3. Kafilning to'lovga qodirligi yomonlashganligi yoki Shartnoma bo'yicha majburiyatlarning muntazam ravishda bajarilmasligiga olib keladigan aniq axborotning yashirilishi;

5.1.4. Shartnoma shartlarining buzilishi.

VI. TARAFLARNING JAVOBGARLIGI

6.1. Taraflardan biri Shartnoma bo'yicha o'z majburiyatlarini bajarmagan yoki lozim darajada bajarmagan taqdirda, aybdor Taraf ikkinchi Tarafga yetkazilgan zarar qismini qoplaydi va O'zbekiston Respublikasining Fuqarolik Kodeksiga, boshqa amaldagi qonun hujjatlariga va Shartnomaga muvofiq javobgar bo'ladi.

6.2. Kafil Shartnoma bo'yicha o'z majburiyatlarini bajarmagan yoki lozim darajada bajarmagan taqdirda neustoykadan tashqari yetkazilgan zararni to'liq miqdorda to'laydi.

6.3. Taraflar Shartnoma bo'yicha o'z majburiyatlarini bajarmaganligi yoki lozim darajada bajarmaganligi natijasida yetkazilgan zararni qoplash yoki majburiyatni bajarmagan yoki lozim darajada bajarmaganligi uchun hisoblangan neustoykani to'lash majburiyatni asl holida bajarishdan ozod qilmaydi.

6.4. Kafilning telefon raqami o'zgarganligi, ishlamaganligi yoki yangi raqamini Bankka taqdim qilmaganligi sababli Kafilga SMS-xabarlar bormaganligi uchun Bank javobgar hisoblanmaydi.

VII. NIZOLARNI HAL ETISH

7.1. Shartnoma shartlarini bajarish jarayonida vujudga keladigan kelishmovchiliklar Taraflar o'rtasida muzokaralar yo'li bilan hal etiladi.

7.2. Taraflar kelishuvga erishmagan taqdirda va/yoki Kafil nizoni sudgacha hal qilish yuzasidan talabnomada belgilangan muddatda ko'rsatilgan talablarni lozim darajada bajarmaganda, nizo O'zbekiston Respublikasining amaldagi qonun hujjatlariga muvofiq sudda ko'rib chiqiladi.

VIII. SHARTNOMANING AMAL QILISH MUDDATI

8.1. Shartnoma Qarz oluvchi hamda Kafil tomonidan akseptlangan kundan boshlab kuchga kiradi.

8.2. Shartnoma Taraflar o'z majburiyatlarini to'liq bajargunga qadar amal qiladi.

IX. ANTIKORRUPSIYAGA OID SHARTLAR

9.1. Taraflar, ularning affillangan shaxslari, xodimlari yoki boshqa ishtirokchilari ushbu shartnoma shartlarini bajarishda ikkinchi tarafning qaror qabul qilishiga ta'sir o'tkazish maqsadida bevosita yoki bilvosita pul mablag'lari qimmatliklar yoki xizmatlar taklif qilishi, berishi, taqdim etishi ta'qiqlanadi.

9.2. Taraflar, ularning affillangan shaxslari, xodimlari yoki boshqa ishtirokchilari ushbu shartnoma shartlarini bajarishda qaror qabul qilishiga ta'sir o'tkazish maqsadida shartnomaning boshqa ishtirokchilari tomonidan bevosita yoki bilvosita pul mablag'lari, qimmatliklar yoki xizmatlar taqdim etish bo'yicha taklifini rad qilishi lozim.

9.3. Agar shartnoma taraflarida ushbu shartnoma shartlarini bajarish bilan bog'liq korrupsion harakat sodir etilganligi to'g'risida ma'lumot, shubha, shubhaga asos bo'luvchi dalilga ega bo'lsa, bu to'g'risida ikkinchi tarafga bunday harakat sodir bo'lgan kundan boshlab 5 (besh) ish kuni ichida yozma shaklda (yoki Bankning Komplayens nazorat boshqarmasi/Hududiy kompleks xizmatlar ko'rsatish markazi rahbariga aloqa kanallari yordamida) xabar berish majburiyatini oladi.

9.4. Xabarni olgan taraf haqiqatan korrupsion harakat sodir etilmaganligini yoki sodir etilmasligi to'g'risida tasdiqqa ega bo'lguncha ushbu shartnoma bo'yicha o'z majburiyatlarini bajarishni to'xtatib turish huquqiga ega.

9.5. Ushbu bo'lim qoidalari taraflardan biri tomonidan buzilganligi fakti tasdiqlanganda va/yoki boshqa taraf qoidabuzarliklarni ko'rib chiqish haqida xabarnoma

natijalari yuzasidan ma'lumot taqdim qilmagan taqdirda, boshqa taraf shartnomani bir tarafdin qisman yoki to'liq bekor qilishga haqli.

9.6. Pora berish evaziga ikkinchi taraf vakilini, affillangan shaxsini, xodimini shartnoma shartlarini bajarishda o'ziga og'dirib olgan taraf ikkinchi tarafga yetkazilgan zararni qoplab berish majburiyatini oladi.

X. YAKUNIY SHARTLAR

10.1. Shartnoma elektron tarzda tuzilib, Qarz oluvchi hamda Kafil tomonidan Kafillik ofertasini akseptlash orqali tasdiqlanadi va yozma ko'rinishidagi hujjatning yuridik kuchiga ega bo'ladi.

10.2. Shartnoma bo'yicha Taraflarning tartibga solinmagan munosabatlari O'zbekiston Respublikasining amaldagi qonun hujjatlariga muvofiq tartibga solinadi.

10.3. Bank tomonidan Kafilga xat-xabarlar jo'natish quyidagi aloqa kanallari orqali amalga oshirilishi mumkin: Kafilning Bankka ma'lum bo'lgan manzillariga (rekvizitlariga) yozma shaklda jo'natish yoki Kafilning elektron pochta-siga, telefon raqamlariga, ijtimoiy tarmoqlardagi akkauntlariga xabar jo'natish yoki masofaviy xizmat ko'rsatish tizimlari orqali elektron xabar jo'natish.

10.4. Kafil amalga oshirilgan to'lovlar va kredit qarz-dorligi miqdori (asosiy qarz, foiz, oshirilgan foiz va muddati o'tgan qarz-dorliklar) haqida, shuningdek Shartnoma bilan bog'liq boshqa holatlar bo'yicha uyali aloqa vositalari orqali SMS-xabarlar yuborilishiga Bankka o'z roziligini bildiradi.

XI. BANKNING MANZILI VA REKVIZITLARI

AT "Aloqabank"

Manzil: _____

MFO: _____

STIR: _____

Tel: _____

XII. QARZ OLUVCHINING MANZILI VA REKVIZITLARI

F.I.Sh.: _____

Manzil: _____


Pasport ma'lumotlari: _____

JShShIR: _____

Aksept kodi: _____

Aksept vaqti: _____

Telefon raqami: _____



XIII. KAFILNING MANZILI VA REKVIZITLARI

F.I.Sh.: _____

Manzil: _____

Pasport ma'lumotlari: _____

JShShIR: _____

Aksept kodi: _____

Aksept vaqti: _____

Telefon raqami: _____



Face ID